



輯類文論史文代近

詩的他和隱商李

等僕朱一



近代文史論類輯
李商隱和他

——朱熹等

近代文史論文類輯⁴

• 編 乙 •

李商隱和他的詩（全一冊）

著作者：朱

俠等

編輯者：臺灣學生書局編輯部

出版者：臺灣學生書局

本書局登：行政院新聞局局版臺業字第一一〇〇號
記證字號

發行人：丁

文

治

發行所：臺灣學生書局

臺北市和平東路一段一九八號

郵政劃撥帳號二四六六號

電話：三二〇九七・三四三六七・三四二六

定價

精裝新臺幣 七五元
平裝新臺幣 四〇元

中華民國七十一年二月三版

「近代文史論文類輯」編輯旨趣

本局應海內外學術界的要求，並承海內外各大圖書館的協助，陸續影印發行了民初至抗戰期間出版的學術性刊物多種。這些刊物的內容，都是當時碩學大師們的精心之作，極具學術研究的參考價值。所以一經本局印出，士林無不稱便。本局同人雖在蒐求、編印方面，費了些周章，但也得到了無上的安慰。不過這批刊物的卷帙實在是太浩繁了，不唯私家收藏參閱不便，即一般中等學校的圖書館也難得全部購置，而不能收普及之效。

因此，常有許多青年學生和各級學校的老師們到本局來，告訴我們說：「你們印的這批東西非常適用，可惜我們不能全購。你們爲什麼不把其中的論文分門別類地重編一下，好讓我們各就所需來購置呢？」來自旅居海外學人和外國漢學家們的督責，尤其殷切。

作爲一個出版商，謬承海內外學術界如此的關愛，我們除衷心的感奮之外，是沒有理由不盡其心力把他們的願望付諸實現的。這便是我們編集本「類輯」的動機。

今年夏天，我們開始了這工作。我們的工作態度，也可說是我們的編輯旨趣，是這樣的：

一、在同一主題下的論文分編在一起。純學術性的，列爲「甲編」，以二十四開本印行；文學性的，或近於文學性的，列爲「乙編」，以四十

開本印行，以廣流通。

二、間有不能成書而確具高度學術價值的論著，我們就向其他方面尋求其性質相同或相近的材料，編在一起，成書問世，庶免遺珠之憾。

三、在同一主題下，間有議論、結語不一致，甚或相徑庭的，我們都兼容並蓄，以供學術界定其是非。又或行文有用文言的、有用白話的，我們也都不加分別地把它們編在一起。

四、間有名家未發表的稿本，或曾經發表而現在已久絕流傳的專著，我們也盡力蒐求，編入本「類輯」中。

五、原文中有些沒有標點的，我們給它們加上了標點；或有手民之誤，我們也把它們校正過來。此中艱難，學術界的先進們一定比我們知道得更清楚。

六、爲求閱讀參考方便起見，全部重新排版。正文、引文、夾註也都用不同的字體排出，以收版面清晰之效。

最後，我們深切地願望海內外學術界一本過去愛護本局之至意，多賜教言以匡其不逮。

中華民國六十年國慶日

臺灣學生書局 謹識

目次

李商隱詩新詮 朱 傑 一

李義山詩的作風 何蟠飛 一二九

李義山錦瑟詩定詁 劉盼遂 一七一

目次

李商隱詩新詮

朱僊

自序

有唐一代詩人，惟玉谿生詩最爲微晦。遺山論詩，已有「詩家總愛西峴好，獨恨無人作鄭箋」之句。遺山迄今，又七百有餘歲，治義山詩者，不下十家，然類多諱言真情，好作曲解，甚或以依違牛李二黨之間，解無題諸首，讀旖旎深情之詩，不脫高官厚祿之想，所謂以小人之心度君子，宜乎其愈解去題愈遠也。不知義山詩之至佳者，爲無題諸首，而爲無題諸首之樞紐者，則爲女道士宋華陽姊妹，及無名宮女是也。歷來言詩

者，不知義山有難言之隱，故一彈三歎，悱惻纏綿，「促絃錦瑟，自寫其牢愁；香炷哀箏，非關於附物。」蓋非有錦繡之心腸，不能欣賞錦繡之文章，非有旖旎之才思，不能體會旖旎之詩詞；非有深沉之感情，不能了解多情善感之李義山也。余慨千餘年來，玉谿生詩真意，隱而不發，此中國文學上第一流情詩，遂埋沒而不聞，故發願寫李商隱詩新詮一書，首言身世（事蹟，個性）次言感遇詩（懷古詠史，游覽感遇）再次言情詩，（與女道士之情詩，與宮女之情詩，寄內詩，與柳枝之情詩，）末以結論（李義山詩之淵源流變，李義山詩在詩史上之地位）殿尾。冀以本來面目，還之其詩，一掃千年來之陰翳，而重覩本真，此則余之微意也。二十六年一月十六日子夜，朱僕序於玄武湖上。

第一章 李義山之身世

第一節 李義山之事蹟（附年表）

義山本事，流傳甚夥，其列有傳者，則有舊唐書文苑傳，新唐書文藝傳，元辛文房唐才子傳。然新舊唐書所記，僅及宦海升沉，未載內心生活；辛氏書雜采唐書唐詩紀事諸家詩話而成，雖有補於本傳，然錯誤實多。茲根據新舊唐書本傳，參酌他說，加以敘述如左：

(一)家世 李商隱，字義山，懷州河內人。其先世隴西，與唐同宗；或言英國公世勣之裔孫，非也。高祖涉，美原令；曾祖叔恒，安陽縣尉，少中進士，與劉長卿齊名；祖甫，邢州錄事參軍；父嗣，殿中侍御史。

(舊唐書本傳) 李商隱，字義山，懷州河內人。曾祖叔恒，年十九，登進士第，位終安陽令。祖甫位邢州錄事參軍。父嗣。

(新唐書本傳) 李商隱，字義山，懷州河內人。或言英國公世勣之裔孫。(按此點朱長孺氏馮浩氏，已駁斥之；朱氏曰：「英國公孫敬業，則天時起義，事敗被誅，復姓徐氏；新傳乃言是其裔孫，不足信也。」馮氏曰：

「李世勣本徐氏，曹州離狐人，隋末徙滑州之衛南；義山非其裔，誠不足辨。」

（義山哭遂州蕭侍郎二十四韻）公先真帝子，我系本王孫。

（義山戲題樞言草閣三十二韻）君家在河北，我家在山西。（按漢書注，隴坻卽隴山，隴西郡在隴山之西，故曰山西。）

（樊南補編叔父誌狀）曾祖諱某，皇美原令；祖諱某，皇安陽縣尉。

（補編曾祖妣誌狀）夫人姓盧氏，曾祖諱某，某官；父諱某，兵部侍郎東都留守。夫人兵部第三女，年十七，歸於安陽君諱某，字叔洪，姑臧李成憲，滎陽鄭欽說等十人，皆僚壻也。安陽君年十九，一舉中進士第，與彭城劉長卿，中山劉沔，清河張楚金齊名。始命於安陽，年二十九，棄代，祔葬於懷州雍店之東原，先大夫故美原令之左次。美原諱某，字旣濟，其墓長樂賈至爲之銘。一子邢州錄事參軍諱某，字仲卿。

（二）生卒年月 義山生卒年月，向有數說。或曰義山以元和八年生；（桐鄉馮浩說）或曰，元和六年。（錢楞仙注補編說）今據義山本集考定義山生於憲宗元和七年壬辰，

（西曆八一二）卒於宣宗大中十二年戊寅（西曆八五八）享年四十七歲。

（義山會昌三年仲姊誌狀）：返葬之禮，闕然不修。至會昌三年，商隱受選天官，正書秘閣，將謀龜兆，用釋永恨。會允文同謁，又出宰獲嘉，距仲姊之殂，已三十一年矣。：（由會昌三年，逆溯三十一年，則仲姊歿，當爲元和八年。）

（同上）時先君子罷宰獲嘉，將從他辟，遂寓殯於獲嘉之東。：

（義山會昌四年祭仲姊文）時先君子以交辟員來，南轅已轄，接舊陰於桃李，寄暫殯之松楸。：：：淞水東西，半紀漂泊，某年方就傅，家難旋臻。：（由上引誌及祭文觀之，姊亡未久，義山父卽赴淞辟，在淞六年，旋丁父憂。義山父赴淞，當在姊歿後一年；數至六年，義山九歲，與「年方就傅」語合。由此推之，姊歿時義山必已周歲矣。）

（同上）：靈沈緜之際，殂背之時，某初解扶牀，猶能記面也。：（按扶牀解面，當指周歲，義山旣周歲姊歿；姊歿於元和八年，則義山之生，必在元和七年壬辰無疑矣。）

（義山上崔華州書）愚生二十五年矣。：：：凡爲進士者五年，始爲故賈相國所憎；明年，病不試；又明年，復爲今崔宣州所不取。：：：（按舊唐書紀開成元年十二月，以中書舍人崔龜從爲華州防禦使；二年正月，以吏部侍郎崔鄆爲宣歙觀察使，此書當上於開成元年冬。又舊唐書

李商隱和他的詩

六

賈餗傳：太和時凡典禮聞三歲；崔郾傳：太和八年，權知禮部；故義山一見憎於賈餗又不取於崔郾也。若開成二年所上，時義山已得第，安用上書求舉哉？自元和七年下推至開成元年，義山二十五歲也。）

（東觀奏記） 敕鄉貢進士溫庭筠，早隨計吏，夙著雄名，徒負不羈之才，罕有適時之用，放騷人於湘浦，移賈誼於長沙，尙有前席之期，未爽抽毫之思，可隨州隋縣尉。舍人裴坦之詞也。庭筠，字飛卿，詞賦詩篇，冠絕一時，與李商隱齊名，時號溫李，連舉進士，竟不中第，至是謫爲九品吏。前一年商隱以鹽鐵推官死；商隱字義山，文學宏博，箋表尤著於人間，自開成二年昇進士第，至上十二年，竟不升於王廷。（按舊唐書裴坦爲中書舍人，在大中十一年，至十三年尙以中書舍人權知貢舉，則飛卿謫隋縣尉，正當其時。所謂前一年者，大中二十年也，義山之歿，卽在是年。）

（三）幼年游學情況 義山幼時，隨父赴涪；六歲（元和十二年）又隨父由越赴潤，（今江蘇丹徒）其祭仲姊文中，所謂「涪水東西，半紀漂泊」是也。故義山雖世居河內，而生長江南，山清水秀，與其文學素養不無關係也。十歲喪父，奉母歸居鄭州；父喪除

後，卜居洛陽。義山幼能爲文，令狐楚鎮河陽，以所業文干之；楚以其少俊，深禮之，令與諸子游。十八歲，（文宗太和三年）楚鎮天平，從爲巡官，歲給資裝，令隨計上都。嗣凡習舉業者六年，始爲賈餗所斥；（二十一歲）明年，病不試；又明年，復爲崔郾所不取；終以文宗開成二年，登進士第。嘗從令狐楚太原幕，又隨楚興元幕；（今陝西南鄭）及義山登第，令狐楚卒，隨楚喪還京師。文宗開成三年，（義山二十七歲）赴涇原之辟，王茂元爲節度使，愛其才，以女妻之。自此去牛就李，致觸朋黨之忌，義山此後依違黨局之間，實以此爲關鍵。以上，義山幼年游學情況之大略也。

（舊唐書文苑傳）

商隱幼能爲文；令狐楚鎮河陽，以所業文干之，年纔及弱冠。楚以其少俊，深禮之，令與諸子游。楚鎮天平汴州，從爲巡官，歲給資裝，令隨計上都。開成二年，方登進士第，釋褐秘書省校書郎，調補弘農尉。會昌二年，又以書判拔萃。王茂元鎮河陽，辟爲掌書記，得侍御史；茂元愛其才，以其子妻之。（按數語從茂元鎮河陽叙下多誤。）

（新唐書文藝傳）

今狐楚帥河陽，奇其文，使與諸子遊。楚徙天平宣武，皆表署巡官，歲具

資裝，使隨計。開成二年，高鍇知貢舉，令狐綯雅善鍇，獎譽甚力，故擢進士第，調弘農尉。以活獄忤觀察使孫簡，將罷去；會姚合代簡，諭使還官。又試拔萃中選。王茂元鎮河陽，愛其才，表掌書記，以子妻之，得侍御史。……

（義山上崔華州書）愚生二十五年矣。……凡爲進士者五年，始爲故賈相國所憎；明年，病不試，又明年，復爲今崔宣州所不取。

（元辛文房唐才子傳）令狐楚奇其才，使游門下，授以文法，遇之甚厚。開成二年，高鍇知貢舉，楚與鍇善，獎譽甚力，遂擢進士，又中拔萃。楚又奏爲集賢校理，楚出（？）王茂元鎮興元（按王茂元未爲山南西道，興元當是涇原之誤。）素愛其才，表掌書記，以子妻之，除侍御史。……

（四）義山與牛李黨爭之關係 唐文宗時，李德裕與李宗閔，結黨相仇。太和中，宗閔以吏部侍郎同中書門下平章事。時德裕自浙西召，欲以相；而宗閔中助多，先得進，卽引牛僧孺同秉政，相唱和，去異己者，德裕所善皆逐之。牛李黨爭，自此始烈。自武宗專任德裕，排斥異己，宗閔僧孺皆貶遠方。未幾，宣宗卽位，又貶德裕於崖州，並盡逐

其黨，而相令狐綯白敏中等，朋黨傾軋之禍，至是稍息，然而「賢臣斥死，庸儒在位，厚賦深刑，天下愁苦」①，曾不旋踵，而亡唐矣。茲將牛李黨人，與義山有關係者，列爲一表，以明系統：

